



Aðalstjórn UMF Stjörnunnar

Stjórnarfundur haldinn í Stjörnuheimilinu þröjudaginn 29.04.2014 kl. 17:15

Mættir: Jóhann Steinar Ingimundarson (JSI), Sigurður Bjarnason (SB), Þórdís Björk Sigurbjörnsdóttir (ÞBS), Viðar Erlingsson (VE), Þorsteinn Þorbergsson (ÞÞ) og Victor Ingi Olsen (VIO). Einnig sat fundinn Jóhannes Egilsson framkvæmdastjóri sem ritaði fundargerðina.

Fundargerð

1. Fundargerð síðasta fundar – samþykkt.
2. Skýrsla endurskoðanda og undirskrift ársreikninga
 - Ómar Kristjánsson endurskoðandi félagsins lagði fram og fór yfir skýrslu endurskoðanda.
 - Rætt var um bréf RSK vegna launþega/verktaka og vsk. á auglýsingum.
 - Gengið var frá undirritun stjórnarmanna á ársreikningi UMF Stjörnunnar fyrir árið 2013.
3. Skráningar iðkenda
 - Rætt var um stöðu skráninga iðkenda í Felix og samlestur úr Nóra í Felix.
4. Uppgjör jan til mars
 - Farið var yfir uppgjör allra deilda á fyrstu þremur mánuðum ársins. Auk þess sem talað var um að fjögur mánaða uppgjör yrði kynnt á næsta aðalstjórnarfundum ásamt samanburði við áætlun og fjögurra mánaða uppgjör síðasta árs.
5. Viðurkenningar á aðalfundi
 - Farið var yfir tilnefningar til viðurkenninga á aðalfundi þann 6. maí nk og var ákveðið að veita eftirtöldum viðurkenningar:

Íþróttamaður Stjörnunnar

Harpa Þorsteinsdóttir er íþróttamaður Stjörnunnar 2013.

Harpa er lykillikmaður í sigursælu knattspyrnuliði Stjörnunnar. Hún átti stóran þátt í yfirburða sigri liðsins í Pepsí deildinni. Hún skoraði 28 mörk og lagði upp 14 og átti þar með beinan þátt í 42 af þeim 69 mörkum sem liðið skorði í deildinni.

Harpa lék sinn fyrsta leik með meistaraflokki Stjörnunnar árið 2002 þá 16 ára gömul. Hún hefur til dagsins í dag leikið 151 leik með liðinu og skorað 98 mörk.

Þá hefur hún leikið 40 A landsleiki fyrir Ísland og skorað í þeim 6 mörk. Einnig 20 leiki með yngri landsliðum og skorað í þeim 5 mörk.

Harpa Þorsteinsdóttir er var kjörin íþróttakona Garðabæjar 2013.

Harpa Þorsteinsdóttir mun bera nafnbótina íþróttamaður Stjörnunnar með sóma.



Þjálfari ársins

Þorlákur Már Árnason er útnefndur þjálfari ársins 2013

Þorlákur er nú fyrstur þjálfara Stjörnunnar til að hljóta þessa nafnbót í þriðja sinn. Það er kannski ekki skrítið þegar litið er til þess hvílíkur hvalreki Láki var fyrir félagið. Hann færði barna- og unglíngastarf knattspyrnudeildar Stjörnunnar á næsta ef ekki þarnæsta stig og tók í framhaldinu við þjálfun meistaraflokks kvenna með þeim árangri sem ólíklegt er að verði leikinn eftir. Auk þess að fá viðurkenningu sem þjálfari ársin fær Láki einnig sérstaka heiðursviðurkenningu fyrir framlag sitt til knattspyrnunnar í Stjörninni.

Deild ársins

Knattspyrnudeild Stjörnunnar fær nafnbótin deild ársins 2013. Meistaraflokkur kvenna varð Íslandsmeistari með 54 stig, eða fullt hús. Meistaraflokkur karla náði þeim frábæra árangri að tryggja sér sæti í Evrópukeppni í fyrsta sinn í sögu félagsins. Barna- og unglíngastarf deildarinnar er í miklum blóma og titlar í yngri flokkum í knattspyrnu eru orðnir árvissir eins og fjölgun iðkenda. Þá var rekstur deildarinnar í jafnvægi á árinu 2013.

Félagsmálaskjöldur UMF Stjörnunnar

Sigrún Dan Róbertsdóttir hlýtur félagsmálaskjöld Stjörnunnar 2013.

Sigrún hefur um langt árabil verið forystu fimleikadeildar Stjörnunnar. Hún var lengi gjaldkeri og síðar formaður deildarinnar á miklum uppgangs og álagstímum. Þá átti Sigrún sæti í aðalstjórn Stjörnunnar í nokkur ár.

Sérstök viðurkenning

Elín Birna Guðmundsdóttir og Ólafur Ágúst Gíslason fá sérstaka viðurkenningu fyrir áratuga forystu og uppbygginu almenningsíþróttar í Stjörninni.



Starfsmerki hlutu eftirtaldir:

Fimleikadeild

Ágústa Jóhannesdóttir
Hanna Lóa Friðjónsdóttir

Handknattleiksdeild

Hörður Hrafnald
Unnur B Johnsen

Knattspyrnudeild

Guðrún Elva Tryggvadóttir
Konráð Sigurðsson
Kristinn Ingi Lárusson
Magnús Viðar Heimisson
Sæmundur Friðjónsson

Körfuknattleiksdeild

Guðrún Kolbeinsdóttir

Aðalstjórn

Viðar Erlingsson
Victor Ingi Olsen

SILFURSTJÖRNU hlutu eftirtaldir:

Handknattleiksdeild

Bogi Thorarensen
Eyjólfur Ingimarsson
Guðmundur Thorarensen
Guðni Björnsson
Herdís Sigurbergisdóttir
Magnús Karl Daníelsson
Magnús Magnússon
Ragnheiður Stephensen
Vilhjálmur Bjarnason

Knattspyrnudeild

Lúðvík Örn Steinarsson
Sigurður Guðmundsson

Körfuknattleiksdeild

Anna Margrét Halldórsdóttir
Hilmar Júlíusson
Kristín Anna Ólafsdóttir

Sunddeild

Hannes Árnason

Aðalstjórn

Ragnheiður Traustadóttir
Sigurður Bjarnason
Þorsteinn Þorbergsson



Gullstjörnu Stjörnunnar fékk:

Páll Grétarsson sem hefur komið að íþróttastarfi í Garðabæ í fjölda ára. Páll var framkvæmdastjóri knattspyrnudeildar Stjörnunnar frá árinu 1992-1995 og framkvæmdastjóri félagsins alls frá 1995 til 1997. Hann tók aftur við starfi framkvæmdastjóra Stjörnunnar árið 2004 og gegnti því starfi í 10 ár.

Ungmennafélagið Stjarnan vill veita Páli Gullstjörnu og þakka honum um leið frábært og óeigingjarnt starf fyrir félagið.

HEIÐURSFÉLAGAR

Æðsta heiðursviðurkenning sem félagar í Stjörninni geta hlotið er GULLSTJARNNA með lárviðarsveig. Þeir sem þessa viðurkenningu hljóta verða heiðursfélagar Stjörnunnar.

Í dag heiðrum við tvo aðila og veitum þeim GULLSTJÖRNU með lárviðarsveig. Þetta eru þeir Benedikt Sveinsson og Erling Ásgeirsson.

Báðir eiga þeir Benedikt og Erling það sameiginlegt að hafa unnið gríðarlegt starf fyrir knattspyrnudeild Stjörnunnar á uppgangstímum deildarinnar á níunda áratug síðustu aldar.

Þeir hafa báðir með störfum sínum í bæjarstjórn Garðabæjar staðið vörð um hagsmuni Stjörnunnar og unnið félaginu ómetnanlegt gagn á þeim vettvangi.

Þá hafa þeir um áratuga skeið verið með ötulustu stuðningsmönnum félagsins og lagt því lið á ýmsan hátt.

Það er Ungmennafélaginu Stjörninni mikilvægara en nokkuð annað að eiga í sínum röðum fólk sem er tilbúið til að leggja félaginu lið, hvort heldur er, með beinu vinnuframlagi í stjórnnum félagsins og deilda þess og öðru starfi í grasrótinni, eða með því að beita áhrifum sínum í þágu félagsins, til öflunar stuðnings bæði opinberra aðila og einkaaðila. Þar hafa þeir Benedikt og Erling báðir komið sterkir inn undanfarna þrjá áratugi.



6. Tilboð í endurskoðun ársreikninga

- Á síðasta aðalstjórnarfundum var lagt var til að stjórnarmenn kalli eftir tilboðum frá löggiltum endurskoðendum. Tilboðin voru lögð fyrir aðalstjórn og rædd. Tilboð bárust frá KPMG, ENOR og Endurskoðun Ómars.
- Tilboð frá Endurskoðun Ómars þótti hagstæðast að svo stöddu auk þess að menn töldu ekki tímabært að skipta um endurskoðendur í þeim miklu breytingum sem stjarnan er að ganga í gegnum. Ákveðið var að leggja til við aðalfund að semja við Endurskoðun Ómars á endurskoðun ársreikninga fyrir árið 2014.
- Einnig var lagt til að gjaldkeri félagsins ásamt framkvæmdastjóra leituðu til utanaðkomandi endurskoðanda til að fara yfir verklagið hjá félaginu í bókhaldsmálum og koma með tillögur að úrbótum ef þörf þykir.

7. Félagsgjöld

- Sigurður Bjarnason fór yfir hugmyndir um með hvaða hætti væri hægt að fara af stað með félagsgjöld fyrir Stjórnuna og var ákveðið að hann skildi kynna þessar hugmyndir á aðalfundi félagsins þann 6. maí.

8. Ársfundur handknattleiksdeildar

- Framkvæmdastjóri gerði grein fyrir hugmyndum handknattleiksdeildar um ársfund ásamt tillögu að dagskrá.

9. Skýrsla framkvæmdastjóra

- Fór yfir stöðu Ársskýrslu
- Kynnti hugmyndir Baldurs Ó Svavarssonar arkitekts um starfsmannaðstöðu. Ákveðið var að vinna áfram og ítarlegra með þær hugmyndir.
- Framkvæmdastjóri kynnti grófa kostnaðaráætlun fyrir framkvæmdir í félagsheimili Stjórnunnar út frá þeim teikningum sem áður höfðu verið kynntar. Kostnaðaráætlunin gerði ráð fyrir um 12 milljónum kr.
- Framkvæmdastjóri fór yfir hugmyndir sínar á Stjörnukaffi og markmiðið var að koma því á sem fyrst
- Samfélagsdagurinn, markmið var að koma honum í framkvæmd laugardaginn 24. maí
- Útgáfudagur á blaði á vegum Stjórnunnar er fyrirhugaður 24. maí
- Farið var yfir stöðu á yfirþjálfaramálum og fyrirhuguðum breytingum á ráðningasambandi þeirra. Formaður og framkvæmdastjóri munu halda áfram með þá vinnu.



- Staðan á nýrri heimasíðu félagsins var kynnt. Ákveðið að kynna hana á aðalfundinum og setja hana svo í loftið mjög fljótlega eftir það.
- Framkvæmdastjóri og fjármálastjóri fóru yfir uppgjörið og var einnig rætt um að á næsta aðalstjórnarfundum þá verði mánaðaruppgjör hvorrar deildar lagt fram ásamt samanburði við samþykktu áætlun.
- Einnig var fjallað um að þegar fjögurra mánaða uppgjör verður lagt fram þá verði það borið saman við fjögurra mánaða uppgjör ársins á undan.

Fleira ekki gert og fundi slitið kl. 20:25. Ritað J.Egils